



1623_729.jpg



1623_730.jpg



730
Il rentre
dans Con-
stantinople
par la porte
d'Andrino-
ple.


M. DC. XXIII.

Les Ceremonies de la presentation de
l'espee estât acheuees dās la Mosquee du
faux-bourg de Passary, on mōta à cheual
pour rentrer dans Constantinople par la
porte d'Andrinople, & retourner au Ser-
rail, ce qui se fit avec vne si grāde pompe,
qu'il est impossible de la descrire : & di-
ray seulement, que toutes les rües de
Constantinople estoient pleines de peu-
ple de routes qualitez, crians *Vive le Sultā*
Amurath, lequel montē à cheual, par vne a-
ction de teste & de corps, mōstroit à tous,
qu'il leur seroit bon Prince & humain.

Caraisar
emportée
de force
par Abaza.

Ce changement d'Empire fut au mois
de Septembre de ceste annee, & le der-
nier iour du mesme mois arriua nouvelles
à Constantinople, que le Bacha Abaza
auoit emporté de force Caraisar, &
faict tuer tout ce qui estoit dedans, &
qu'il s'acheminoit droict à Constantino-
ple avec quarante mille hommes, &
vingt canons : Mais ayant receu aduis du
changement qui y estoit aduenü, & let-
tres de la Sultanne mere d'Amurath, qui
luy promettoit (pourueu qu'il rentrast
en son deuoir,) recompense d'vn autre
Gouuernement, & la dignité de Vizir,
& faire que son fils le Sultan Amurath
luy enuoyeroit vne espee, & vne teste,

1623_731.jpg



Histoire de nostre temps.


731

pour signe qu'il le receuroit en grace :
cela a faict qu'il n'a pas continué son des-
sein, & est demeuré avec son armee en
l'Anadole.


Depuis quelque temps aux aduene-
ments des Sultans à l'Empire, les quaran-
te mille Janissaires de la Porte se sont
faites donner pour present de mutation
de Sultan, quinze sultanins chacun, &
sous les Spahis qui sont en grand nombre
en tout l'Empire Turc, dix sultanins pour
homme. On pensoit qu'ils n'en deussent
rien demander à cest aduenemēt d'Amu-
rath à la Couronne, pource qu'ils auoient
receu ce droict l'an passé quand Musta-
fa fut redeclaré Sultan, (lequel n'estoit
legitime Seigneur :) mais estans entrez
en Conseil sur ce subiect, ils dirent hau-
tement au premier Vizir, qu'ils vouloient
auoir le present de la mutatiō, ne s'enque-
stans de ce qui s'estoit passé : tellement
que pour ne les aigrir, il fut contraint de
les asseurer qu'ils seroient contentez du
present de la mutation d'Amurath. Ce
sont des accidents ordinaires, qui arri-
uent aux Empires qui dependent de la
Milice : Les legions Romaines en ayant
jadisfait de mesme, furent cause de la de-
cadence & ruyne de l'Empire Romain.

Du droict
de present
que les Ja-
nissaires &
Spahis ont
à chaque
mutation
de Sultan.

1623_732.jpg



1623_733.jpg




Histoire de nostre temps. 733
dit à vn Ambassadeur, Que les Turcs
auoient exercé en Morauie de grandes
cruautez, ayans tué inhumainement tous
les vieillards, pris esclaués les hommes de
seruice, & coupé la teste à tous les ieunes enfans,
les ayans mis en quartiers, & fait salez dans des
barils, qu'ils auoiet enuoyé vendre en Tartarie, où
les peuples vsent en leur viure de chair humai-
ne, comme Canibales, & Antropophages: horreur
incroyable: Il a eu raison d'auoir mis ce mot
d'incroyable, estant vraiment incroyable
ce qu'il raporte de ces petits enfans salez
dans des barils: car la grande & longue di-
stance qu'il y a de la Morauie en la Tarta-
rie, (selon les cartes) le port de ces barils de
chair humaine salee seroit bien cher, & en
danger de gaster la faumure en vn si long
chemin: & puis qui a iamais ouy dire que
les Tartares de Baligrod, ou les Precopen-
ses (dõt se seruent les Turcs en leurs guer-
res,) vsent de chair humaine, eux qui pos-
sedent l'vn des terroirs le plus fertile qui se
puisse dire, tant en bestail, que pasturages:
c'est pourquoy, ce tome ayant vne iuste
grosseur (si Dieu me donne la fanté) mon
Dixiesme commencera par les causes de
ce mouuement d'Hongrie, auquel Be-
thlen Gabor fit escorcher vif à Esperiez
vn des Officiers de l'Empereur, prit tou-
tes les villes montueuses, † l'Isle de Schut,

Fables que
l'on a im-
primees des
cruautez
exercees en
Morauie,
d'auoir salé
les petits
enfans dans
des barils
pour porter
vendre en
Tartarie.

† Ceste Isle
est la plus
grande du
Danube, &
contient dix-
huit lieues
de grosseur de
longueur.

1623_734.jpg



M. DC. XXIII.

734

Tirnav, & autres villes: nous y rapporterons le combat qu'eut le Palatin de Hongrie contre Noruat, Lieutenant general du dit Prince Bethlen, la trefue entre luy & l'Empereur, & la Conference de Neufol. Nous auons sur la fin de l'an passé dit, que le Prince & la Princesse de Piedmont passerent les monts, pour venir à Lyon y veoir le Roy tres-Chrestien à son retour du siege de Montpellier: le tres-pieux, & tres-docte Prelat Messire François de Sales Euesque de Geneue, s'y rendit aussi; mais peu de iours apres son arriuee, il y fut atteint d'une griefue maladie, laquelle l'emporta de ce monde à la vie eternelle, & son corps fut porté à Nicy au commencement de ceste annee, où il fut enterré, avec des regrets qui ne se peuuent dire, tant de son Clergé, de la Noblesse, que du Peuple. Les liures qu'il a composez & donnez au public, pour instruire les ames deuotes à l'Amour de Dieu, ont esté tellement bien receus, que sa vie conforme à ses escrits, le faiçt tenir par le peuple du Geneuois pour Beat.


Mort de Messire François de Sales, Euesque de Geneue.

De Sceuo-
le de sain-
&te Marthe.

Aussi le 29. iour de Mars deceda en la ville de Loudun, lieu de sa naissance, Sceuo-
le de saincte Marthe, President & Tresorier general de France en la generalité de Poictou, l'an quatre-vingts huiçtiesme

de son
bre,
estran
cellen
comm
paru a
Franc
excell
Roys
les au
charg
Phil
Marly
deced
de la F
la mai
ques,
Vexin
la Rel
tout c
Pape,
tholiqu
pourqu
fist imp
ly g
Le f
Heure
Car il
Il au

1623_735.jpg



Histoire de nostre temps. 735


de son aage; ayant rendu son nom celebre, tant en ce Royaume, qu'aux pays estrangers pour sa rare doctrine, & l'excellence de sa Poësie Latine & François; comme aussi pour son éloquence, qui a paru aux éloges des hommes illustres de France, par luy publicz en stile Latin tres-excellent. Il fut aymé & chery par les Roys Henry III. & Henry le Grand, pour les auoir fidellement seruis en plusieurs charges importantes.

Philippe du Mornay, sieur du Plessis Marly, ayant atteint vne grande vieillesse deceda aussi ceste annee en sa maison de la Forest en Poictou. Il estoit puisné de la maison de Buhy, l'vne des Catholiques, Nobles, & anciennes familles du Vexin François: mais luy s'estant fait de la Religion pretenduë Reformee, a escrit tout ce qui se scauroit escrire contre le Pape, le sainct Siege, & la Religion Catholique Apostolique Romaine: c'est pourquoy vn Ecclesiastique apres sa mort fist imprimer cet Epitaphe contre luy;

Er du sieur
du Plessis
Mornay.

*Icy gist de Mornay, l'Herenque de France,
Le funeste fanal, des esprits de trauer,
Heureux s'il fust mort né, ou mort de son enfance,
Car il n'eust enfanté sans de liures peruers.
Il auoit suiuy & seruy vn long temps le*

1623_736.jpg



736 M. DC. XXIII.
Roy Henry le Grand en plusieurs hono-
rables charges, durant que la Ligue luy
voulloit raur son droict successif à la Cou-
ronne de France; & mesmes ce Roy reco-
gnouissant sa fidelité l'auoit en l'an 1589.
mis Gouverneur de Saumur, l'ynique
passage qui luy auoit esté donné sur Loi-
re par Henry III. Aussi ledit sieur
du Mornay scachant bien l'obeissance
que l'on doit aux Roys, il rendit ceste
place de Saumur au Roy à present re-
gnant, l'an 1621. à sa premiere demande.
Les factieux Huguenots, qui auoient
desseigné de faire en ceste place leur pre-
miere resistance, s'estans trouuez
esloignez de leur dessein, l'ont aussi
faict par leurs escrits *le commencement de la*
ruyne de leur party, & dit mille autres
choses contre luy. Mais les Politiques &
personnes entenduës aux affaires, luy ont
donné cest éloge d'honneur, D'auoir esté
prudent & sage iusques au tumbeau: car
s'il eust resisté dans Saumur, sa ruyne, &
celle de la ville estoient ineuitables. Ville
en laquelle encor à present, tant Catho-
liques, que pretendus Reformez, luy
donnent beaucoup de loüanges, de les
auoir gouuernez trente & tant d'annees
auec toute douceur & tranquillité.


F I N.

ORDRE
Reformez
de estr
de ses

P

Nauarr
Valenc
uille, d
segue, d
de Alge
marie, d
tales, d
Occear
de Bou
Comte
& de B
de Mol
& tres-a
Prelats,
tats, Pr
deurs,
uerneur
places fo
nostre
teurs de

1623_097.jpg



1623_098.jpg




Image issue du site mercurefrancois.ehess.fr - Cliché (c) Cécile Soudan